

春秋啖趙集傳纂例卷九

唐陸淳纂

諱義例第三十四

啖子曰公羊云春秋爲賢者諱爲尊者諱者諱恥爲親者諱疾爲賢者諱過舊說隱諱也乃  
尊者諱恥爲親者諱疾爲賢者諱過舊說隱諱也乃  
隱其惡耳若隱其惡何名爲直筆乎蓋諱避之也避  
其名而遜其辭以示尊敬也猶魯諱具敖以鄉名山  
非謂隱諱言魯無此山也但諱爲避則近春秋之義  
也今言他人之遇屯否罪戾死喪恥辱則正言之至  
於所尊所敬則婉順言之此蓋是人情常理春秋諱



避之道亦爾公夫人見殺及魯師敗不書不可斥言

也公則以不地見殺夫人則以齊人以尸歸見殺師

敗則書戰而已舉例而見意凡惡事必須書者則避

辭言之猶公夫人奔則曰孫殺大夫曰刺之類是也

趙子曰凡君之過惡以諱為示譏見其避諱亦足以

知其不當為也桓公元年璧假許田之類是也為尊者諱不書王師

戰但言敗績于某而已不言天王奔及出但書居而已凡信不言執

義見隱七年及不書魯君弑但書公薨君敗臣師則口克鄭伯克段

于郟之類是也魯君殺大夫則曰刺刺公子偃之類公與王人盟則

不言公及蘇子盟于女栗之類是也但存其禮而已為親者諱謂



魯與二國仇敵而有屈辱之時則避其辭不書魯師

敗

但書戰而已

入邾則先言公伐邾下但言

入邾

義見哀七年

但遜其辭而不隱其實又穀梁云爲尊者諱恥爲親者諱疾觀經意爲尊者親者之諱亦隨事有宜不可定言爲尊者諱恥則親者之恥不諱乎至於爲賢者諱過則都妄也公羊亦多言爲賢者諱考其義理一無通者又公羊曰外大惡書小惡不書內大惡不書小惡書殊非也立教之體事無巨細皆論其可否何得論其小大乎且外事於例合書卽書小小侵伐等及大夫出奔已來悉書之何名小惡不書乎內惡如



弑君等但隱避其文以示臣禮然而不地不葬以見事實至於諸惡無不書者何言大惡不書乎

日月爲例義第三十五

啖子曰公穀多以日月爲例或以書日爲美或以爲惡夫美惡在於事迹見其文足以知其褒貶日月之例復何爲哉假如書曰春正月叛逆與言甲子之日叛逆又何差異乎故知皆穿鑿妄說也假如用之則踳駁至甚無一事得通明非春秋之意審矣左氏唯卿卒以日月爲例亦自相乖戾左氏諸事皆不以日爲例何獨於卿卒皆生此文杜元凱曰凡朝聘會遇侵伐用兵執殺土故知妄耳



功之屬例不書日盟戰敗入滅崩薨卒葬弑尹日食  
之屬例多書日自文公以前書日者凡二百四十九  
宣公以下書日者四百三十二年數略同而日數加  
倍故知久遠遺落不與近同予竊謂公羊所謂不日  
遠也所見異辭所聞異辭亦久遠多遺落也凡例當  
書而不書者皆舊史之文明非褒貶所要也例當書  
日而不書者蓋爲遺闕其例不當書日而書者皆有  
意也義各見本傳杜元凱云經首不書王者爲王室  
不班歷故不書王也檢尋二百四十二年除桓公之  
外應年首之事未有事在書時之例而書王者亦未



有事在書日月之例而不言者則知自緣史體成文不關歷也

即位

凡公即位皆不記日以其必是朔日故也唯定公以昭公之喪六月乃至故書日以明其既殯而即位且志非常也

郊廟

凡郊及廟祭皆記日敬大事也其或不日者唯僖八年七月

禘于太廟不日闕文也其泛序郊廟即不日非祭事故也謂卜

郊及丹楹等其雩祀為記旱之所在而非正祭故月而不



日其社祭自有定日其他所載者皆自禘事爾故亦不

日禘事謂鼓用牲等也

### 婚姻

凡婚姻禮初往納幣及逆女不知定成否故依聘例

### 書時

凡逆夫人至國禮既定成故至時書月唯莊公逆文

姜以取讎女之故特變文書入而又書日以示急切

凡他國以婚事至納例皆書月重婚禮也

凡內女歸外永離本國故亦書月外女歸外者情不

比內但書其時



凡內女自夫家來者但書時不比嫁時也

凡內女被出即書月事切於常也夫人被出亦如之

崩薨卒葬

凡崩薨卒葬例書日重喪事也雖未踰年之君卒亦

書日葬書月以紀得禮失禮也

朝聘如

凡諸侯來朝常事也但紀其時

僖十四年夏六月季姬使鄆子來朝以事

異特書月也

凡諸侯以喪事來即書月

奔喪會葬是也

凡他國使使來聘亦常事也故但書時禘事來者亦



書時其有事大者乃書月耳

天王錫命是也

凡公如京師及如他國合書月或不書者因舊史也  
故夫子存其書月者以示義也

凡內大夫如外常事但書時會葬者即書月為葬生

文也

文六年公子遂如晉葬襄公是也他皆放此

凡盟結二國之好國之大事故例皆書日內盟有不  
書者闕文外盟多不書者或告辭略闕文也其來盟  
及莅盟不書日者來盟者不以至日莅盟者但紀其  
去盟時所以不日也

凡平者皆書月事輕於盟也



春秋列傳  
五  
凡公會諸侯皆書月重公也

凡外諸侯會皆但書時

凡內大夫會外大夫亦不書月

凡公與諸侯遇理合書月不書者因舊史也

### 用兵

凡諸侯相侵伐例但書時輕於入滅等故也

凡內侵伐當書月經中書月者少因舊史也故夫子存其書月者以示義也

凡內被侵伐當書月經中書月者少不書者多意與

上同



凡內與外其侵伐義亦同上

凡圍襲追等用日月與侵伐竝同

凡內與外取國邑悉書月重於侵伐也

凡內外救皆書月竊記其善也

案竊字疑誤

凡內外次例但書時

凡遷皆書月重於侵伐也降

齊人降鄆

克鄭伯克段竝同此例

凡弃師

鄭弃其師

殲

齊人殲于遂

亡

梁亡

皆積久自致非一日之

事故不書日

凡內兵入他國例合書日不書日者史闕文也

凡戰及敗及滅及焚

焚咸是

皆書日事重故也



軍旅

凡軍旅禘事唯大闕及治兵是一日之事故書日其餘但記非常及改作故隨事輕重或月或時以明變常之始耳故皆不書其日

蒐狩

凡蒐狩之禮四時有常變者則書紀其失也故但著其時桓四年公狩于郎爲公非禮之行故書月也

賦稅

凡賦稅但記變常之時故不必標其日月

興作



凡興作皆合於農隙故但紀其時是非著矣僖二年正月城楚丘內爲外城故特書月

### 改革

凡改革但紀其初故唯書月不必言日唯躋僖公書日者爲上言祭故也

大事祭也

### 慶瑞

凡有年冬收後則知之故但紀時耳西狩獲麟依狩例書也

### 災異

凡日食皆書朔及日其不書日皆史闕文也其不書



朔者則或非朔日

例見隱三年

凡星變及隕者有定日有書其月者或彌月或累月故不可書日也

凡山崩地震皆一日之事故書日

凡內災皆書日內事自詳也

凡外災或書月或書時莫能定知也故外事皆略也昭十八年夏四月壬午宋衛陳鄭災皆書日者以四國同日有災天下所異故可得而書也

凡水旱皆書時者爲其久乃成災故不可書日月也凡不雨皆書月既不成交災但記其若干月不雨耳



凡雨雪雹不踰時但以爲災故書卽不書日月也隱

九年三月今之正月癸酉大雨震電庚辰大雨雪書日者

言震後復雪舉其異且與震相近也桓八年冬十月

雨雪今之八月記非時也故書月昭三年冬大雨雹亦記

非時也

凡冰霜皆記異無冰記時者彌時無之記月者其月

無之冬霜不殺草彌冬不寒也十月隕霜記其早也

今之八月

凡蝻災多書時明累月有之不在一月也其書月者

卽當月有之不連月也其書時者卽連月有之也其



記蟲及禽獸以異書者但記其異故不假日月也

凡歲饑年終之事故不繫於日月也皆以冬後書之

殺

凡弑君皆書日大其事也殺他國君亦然

凡外殺公子大夫皆但書時降於君也內刺公子大夫即書日比之卒也

執

凡執諸侯皆書月

凡諸侯執他國大夫皆書時若執魯大夫即書月

於異

外也



放奔叛

凡天王出魯公夫人出孫皆書月而不書日者出與至彼不同日故不書日也

凡諸侯出奔皆書月大夫奔及逃叛則但書時內大夫奔即書月

歸入納至

凡天王歸入例書月

此魯不定知王室事故諸侯歸書月王史當書日也

入納亦然大夫歸入但書時

凡公自外還至國皆書月內大夫至但書時不可比君也



序例

凡合書日而或不書者蓋告辭不具或舊史脫闕不

合書日而或不書者因舊史誤不削耳內大夫奔有書日是

凡合書月而不書者其故有三焉一則隱公時不書

正月以明讓德故隱公時悉無正月二則為同月上

文已有事也如莊元年王使榮叔來錫公命合書月為同月上文云冬十月陳侯林卒不可

更言十月也三則舊史闕文也舊史脫不書他皆放此月故因不書

凡不合書月而書月其故亦有三焉一則同月下文

有大事須書月故上文亦書之如隱元年冬十二月祭伯來不合書月下

文公子益師卒故二則同時上文有大事書月矣若須書之他皆放此



下文不書月則亦同月故以別之意與上同三則舊史存之誤不削耳

凡用日月史體當耳非褒貶之意故經文粗成大體亦不知精加考覈理可知也

又僖十六年傳曰凡日事而遇晦朔則書言事合書日者又值

晦朔則書正歷數也言因記晦朔以為推歷之證驗也謂僖十五年

巳卯晦震夷伯之廟僖十六年戊申朔隕石于宋五成十六年甲午晦戰于鄆陵是也

脫繆略第三十六

隱三年春王二月巳巳日有食之



桓元年春王正月誤加王字 義見本傳 二年春王正月義同

元年 四年無秋冬 五年甲戌巳丑陳侯鮑卒

甲戌下 脫也 七年無秋冬 十年春王正月義同 元年

十二年冬丙戌公會鄭伯盟于武父丙戌衛

侯晉卒多丙 戊 十四年夏五鄭伯使其弟語來

盟 十七年冬十月朔日有食之 十八年春

王正月義同 元年

莊十八年王三月日有食之 二十二年夏五月

以五月 首時 二十四年冬郭公

僖十二年王三月庚午日有食之 十五年夏五



月日有食之

宣二年春王二月壬子宋華元帥師及鄭公子歸

生帥師戰于大棘宋師敗績獲宋華元重言宋衍文

八年秋七月甲子日有食之既 十年夏四

月丙辰日有食之 十七年夏六月癸卯日有

食之

襄十五年秋八月丁巳日有食之

昭十年無冬字

定六年夏季孫斯仲孫忌帥師圍費仲孫名何忌無何字闕文

也

十四年無冬



啖子曰夏五之下必知脫月字

在桓十四年

郭公之下必

知有字

在莊二十四年

四時不具者亦必知是脫

此類多不復舉也

其餘不可得而詳也左氏傳事迹倒錯者甚多文十

二年傳言杞伯請無絕婚當在成八年也襄四年夫

人妘氏薨傳曰不殯于廟無櫬不虞宜在定十五年

妘氏卒下吳侵陳傳云延州來季子帥師

計此時季子縱存亦

近百歲矣故知誤也

此傳當在前數十年如此類甚多不可備

舉皆由作傳之人采舊說既多故不免有所交錯公

羊例不言會當在公經下而誤在會下

已見會例中

穀梁

虞山林葢澤之利當在築鹿囿之下而誤在築微下



此例亦甚多皆由傳文本別爲卷後人散配經文不免至差舛也竝略舉例爾其類甚多

三傳經文差繆略第三十七

趙子曰三傳經不同者或以音相近而致誤昧茂潛岑之類是也有字義同而文異者帥率克剋之類是也有穿鑿而改易者裂繻君氏之類是也有字體相似而致誤者三括結嘉喜之類是也有義類致誤者及會侵伐之類是也有端然而誤者衛俘弋氏之類是也又有誤照者其類非一今編之如後

隱元年二月公及邾儀父盟于昧

昧左氏作茂邾公羊皆作邾婁



齊人

夏五月鄭伯克段于鄆

克公羊作剋

二年

春公會戎于潛

公羊作岑

夏無駭帥師入極

駭穀梁作

核帥公羊作率

秋九月紀履緌來逆女

履緌左氏作裂繻誤也

冬紀子伯莒子盟于密

伯左氏作帛非也

三年夏

四月辛卯尹氏卒

尹左氏作君誤也

冬葬宋穆公

公穀

作繆

四年春戊申衛州吁殺其君完

州吁穀梁作祝吁殺

君公羊皆作弑

五年春公觀魚于棠

觀左氏作矢

秋

衛師入郟

公羊作盛

六年春鄭人來渝平

渝公穀皆作輸

非也

六年春三月鄭伯使宛來歸郟

郟左氏作祊

秋九月辛卯公及莒人盟于包來

包左氏作浮

冬



十有二月無駭卒

駭公穀作倅

九年冬公會齊侯

于防

防公羊作邴

十年秋宋人蔡人衛人伐戴

戴公

羊穀梁作載

十一年夏五月公會鄭伯于時來

左氏

無五月字時來公手作祁黎

桓二年秋七月杞侯來朝

杞公穀作紀左氏有事迹故從之

五

年夏天王使仍叔之子來聘

仍穀梁作任

蝻

蝻公羊作

蝶

六年夏四月公會紀侯于成

成穀梁作郟

十

一平秋公會宋公于夫鍾

鍾公羊作童

十二年夏

六月壬寅公會杞侯莒子盟于曲池

杞公穀作紀曲池公

羊作

秋公會宋公于虛

虛公羊作郟

十四年夏



五月鄭伯使其弟語來盟語穀梁作禦十五年夏

公曾齊侯于蒿蒿公羊作鄆左氏作艾啖子云若艾不應誤為蒿若從蒿而

誤則得為鄆不得為艾也未知孰是冬十一月公會宋公衛侯

陳侯于袤伐鄭袤公羊作侈十七年二月丙午公

及邾儀父盟于趙及左氏作會或作及故知誤也夏五月丙

午及齊師戰于奚左氏公羊無夏字穀梁奚作郎

莊元年夏單伯逆王姬逆左氏作送誤也單伯魯大夫也義具各位例故知

言送也二年冬十有二月夫人姜氏會齊侯于

禚禚公羊作鄆三年冬公次于郎郎左氏作滑四年

春王二月夫人姜氏饗齊侯于祝丘饗左氏作享



冬公及齊人狩于郕郕左氏五年秋郕黎來

來朝郕公羊六年冬齊人來歸衛寶寶左氏

也七年夏四月辛卯夜恒星不見夜穀梁作昔非也

夜中星隕如雨隕公羊八年春甲午治兵治公

羊作祠非也周禮有治兵禮也九年春公及齊大夫盟于蕮

蕮公羊夏公伐齊納糾糾左氏十年冬十

月齊師滅譚十月公羊作十一月十二年秋八月甲

午宋萬弑其君捷捷公羊十三年春齊侯宋

人陳人蔡人邾人會于北杏齊侯穀梁十六

年冬十有二月會齊侯宋公陳侯衛侯鄭伯許



男曹伯滑伯滕子同盟于幽公羊作公會左氏無曹伯字

十七年春齊人執鄭詹詹公羊作詹夏齊人殲于

遂殲公羊作遂十八年秋有蝥蝥作蝥三傳皆然二十

年冬齊人伐戎戎穀梁作戎二十四年冬曹羈出

奔陳羈公羊作羈二十六年秋公會宋人齊人伐

徐左氏無公字二十八年秋荆伐鄭會齊人宋人

救鄭公羊作公會齊人宋人邾婁人救鄭冬築微微左氏作郟臧

孫辰告糴于齊辰穀梁作臣三十年秋七月齊人

降彰彰左氏作障

閔元年秋公及齊侯盟于洛姑洛左氏作落二年秋



八月辛丑公薨

丑公羊作酉

僖元年夏六月邢遷于夷儀

夷儀公穀皆作陳

秋公會

齊侯宋公鄭伯曹伯邾人于櫪

櫪公羊作付

九月

公敗邾師于偃

公羊作纓

冬十月壬

十公子友帥

師敗莒師于麗獲莒挈

麗左氏作公羊作犁

二年夏

虞師晉師滅下陽

下公穀作夏據俱號邑都故左

上陽下陽氏為是也

秋九月齊侯宋公江人黃人盟于

貫公羊作貫澤

四年春許男新臣卒

新公羊作辛

齊人執陳袁濇

塗

袁左氏作轅

冬十有二月公孫茲帥師會齊人

宋人衛人鄭人許人曹人侵陳

公孫茲公作慈

五



年夏公及齊侯宋公陳侯衛侯鄭伯許男曹伯

會王世子于首戴戴左氏作止七年秋七月公會

齊侯宋公陳世子款盟于寧毋左氏陳世子款下有鄭世子

華誤加之也寧左氏作甯曹伯般卒般左氏穀梁作班九年秋

晉侯嵬諸卒嵬公羊作詭十年春晉里克殺其君

卓卓公羊作卓子冬大雨雪雪公羊作雹十一年春晉

殺其大夫丕鄭父丕公羊作邳十一年冬十有二

月丁丑陳侯杵臼卒杵公羊作處十四年夏六月

季姬及鄆子遇于防使鄆子來朝鄆穀梁作緡秋

八月辛卯沙鹿崩鹿公羊作鹿○鹿字誤今本二家經文俱作



鹿據陸氏別白言之知公羊與二家不同說文  
麓字下引春秋傳曰沙麓崩許書敘備春秋左  
氏是古經左氏作麓也漢書五行志引穀梁  
傳亦作麓是左穀皆作麓獨公羊作鹿耳

十五年春公會齊侯宋公陳侯鄭伯許男曹伯

盟于牡丘左氏陳侯下又有衛侯亦在陳侯之上十六

年春王正月是月六鷦退飛是公羊作鷦

左氏公羊作鷦十七年秋夫人姜氏會齊侯于卞公

左氏或作弁十九年夏六月宋人曹人邾人盟于

曹南宋人左氏穀梁竝作宋公誤也二十年夏郟子來朝郟

梁作邾二十一年秋宋公楚子陳侯蔡侯鄭伯

許男曹伯會于雩雩左氏作孟公羊作霍穀梁或作二十二



年春取須句

公羊作須胸

二十三年春齊侯伐宋

圍緡

穀梁作閔

二十六年春王正月己未公會莒

子衛甯速盟于向

速公羊作邀

公追齊師至蘄弗

及

蘄公羊左氏或作鄗

秋楚人滅夔以夔

于歸夔公羊作隗

二十八年冬公會晉侯宋公蔡侯鄭伯陳子

莒子邾子秦人于温

左氏晉侯下有齊侯

二十九年夏

六月會王人晉人宋人齊人陳人蔡人秦人盟

于翟泉

會公羊作公會

三十二年夏四月己丑鄭伯

捷卒

捷公羊皆作接

三十三年夏公伐邾取訾婁

公羊

邾作邾婁訾婁作叢穀梁作訾樓



文元年春二月癸亥日有食之公羊有朔字 二年夏

六月公孫敖會宋公陳侯鄭伯晉士穀盟于垂

斂左作隴 九年冬楚子使椒來聘椒穀梁作菽

宣元年秋宋公陳侯衛侯曹伯會晉師于棐林伐

鄭棐公羊作斐 冬晉趙穿帥師侵崇崇公羊作柳 二

年秋九月己丑晉趙盾弑其君夷臯公羊作獐

三年春楚子伐陸渾之戎陸渾公羊作賁渾 五年秋

九月齊高固來逆子叔姬左氏無子字 八年夏夫

人嬴氏薨公穀竝作熊氏義見下 楚人滅舒蓼蓼穀梁作劉

葬我小君敬嬴公穀作頃熊趙子云頃是惡諡宣公追尊其母不應加惡



也諡

十年秋公孫歸父帥師伐邾

取繹繹公羊作賴

十一年夏楚子陳侯鄭伯盟于辰陵

辰穀梁作夷

十三年春齊師伐莒

莒公羊作衛

十五年秋仲

孫蔑會齊高固于無婁

無公羊作牟

饑公羊無此經

十六年夏成周宣榭火

火公穀作榭公羊作謝

十八年

秋楚子旅卒

旅穀梁作呂

冬歸父還自晉至榿遂

奔齊

榿左氏作笙

成元年秋王師敗績于貿戎

貿左氏作茅

一年六月

癸酉季孫行父臧孫許叔孫僑如公孫嬰齊帥

師會晉郤克衛孫良夫曹公子手及齊師戰于



鞏齊師敗績手左氏作首

秋七月己酉及國佐盟

于袁叟

袁穀梁作爰

冬公及楚人秦人宋人陳人

衛人鄭人齊人許人曹人邾人薛人鄆人盟于

蜀

左氏無許人公羊無齊人

三年秋晉郤克衛孫良夫伐

牆咎如

牆公羊作將

四年春鄭伯娶

堅公羊作姬○案姬

當作緹今公羊釋文作馭玉篇引伯絕卒云絕古堅字段玉裁曰

成公四年鄭為緹之譌是也

五年夏叔孫僑如會晉荀首于穀首公羊作秀

六年冬晉欒書帥師救鄭

救公羊作侵

七年秋

公會晉侯宋公衛侯曹伯莒子邾子杞伯救鄭

左氏晉侯下有齊侯

吳人州來

公穀皆作州萊

十二年夏公會



晉侯衛侯于瑣澤瑣公羊作沙

十六年秋晉人執

季孫行父舍之于茗丘茗公羊作招

十七年春衛

北宮括帥師侵鄭括公羊作結

秋晉侯使荀罃來

乞師罃公羊作嬰

冬公孫嬰齊卒于狸脰脰公羊作軫穀

梁作蜃十八年冬晉侯使士魴來乞師魴公羊作彭

襄元年夏仲孫蔑會齊崔杼曹人杞人邾人次于

鄆鄆公穀皆作合○案此鄆當作鄆段玉裁曰蓋本作會會合音義皆通

四年

秋七月戊子夫人嬖氏薨嬖氏公羊作弋氏

八月辛

亥葬我小君定嬖嬖公羊作弋

五年夏仲孫蔑衛

孫林父會吳于善稻稻左氏作道

冬公會晉侯宋



公衛侯鄭伯

案此下當有曹伯今三家經同

莒子邾子滕子薛

伯齊世子光救陳

左氏無莒邾滕薛四國

六年夏宋華

弱來奔

弱公羊作溺

七年冬鄭伯髡原如會未見

諸侯丙戌卒于操

原左氏作頑操作鄭

八年夏鄭人侵

蔡獲蔡公子燮

燮穀梁作溼

十年夏遂滅偃陽

偃穀

梁作傳

冬盜殺鄭公子騑

騑公穀作斐據字子駟宜為騑也

十一年秋七月己未同盟于京城北

京左氏作亭

十二年莒人伐我東鄙圍郕

郕左氏皆作台○案左氏下當有公

羊字

十三年夏取郟

郟公羊作詩

十四年春王正

月季孫宿叔老會晉士匄齊人宋人衛人鄭公



孫薑曹人莒人邾人滕人薛人杞人小邾人會

吳于向

薑公羊作嚙

夏衛侯衍出奔齊

左氏無衍字

十五年夏季孫宿叔孫豹帥師城成郛

成公羊作郛

十六年秋齊侯伐我北鄙圍成

成公羊作郛

七年春王二月庚午邾子矰卒

矰左氏作捰

秋齊

侯伐我北鄙圍桃

桃公羊作洮

齊高厚帥師伐我

北鄙圍防

左氏無齊字

十八年秋齊侯伐我北鄙

侯公羊作師左氏或作師

十九年春王正月諸侯盟于祝

柯

柯公羊作阿

秋鄭殺其大夫公子嘉

嘉公羊作喜

二十三年夏邾界我來奔

界公羊作鼻

秋叔孫豹



帥師救晉次于雍俞

左氏作榆 穀梁作渝

二十五年冬

鄭公孫夏帥師伐陳

夏公羊 作囁

十有二月吳子

謁伐楚門于巢卒

謁左氏 作邊

二十七年夏叔孫

豹會晉趙武楚屈建蔡公孫歸生衛石惡陳孔

奂鄭良霄許人曹人于宋

奂公羊 作瑗

衛侯之弟

鱒出奔晉

鱒穀梁 作專

二十九年夏仲孫羯會晉

荀盈齊高止宋華定衛世叔儀鄭公孫段曹人

莒人邾人滕人薛人小邾人城杞

儀公羊作齊 左氏無邾人

三十年春王正月楚子使遠罷來聘

罷公羊 作頗

五月甲午宋災伯姬卒

左氏災下又有 宋字衍文也

秋



葬宋其姬

穀梁葬字下無宋字

昭元年春叔孫豹會晉趙武楚公子圍齊國弱宋

向戌衛齊惡陳公子招蔡公孫歸生鄭罕虎許

人曹人于澠

澠左氏作號穀梁作郭國弱公羊作國酌竝聲亂齊惡公羊作石惡

誤也

夏晉荀吳帥師敗狄于太原

原左氏經作鹵傳作原二

傳經作原傳作鹵與左氏正相反未知孰是

莒展奔吳

展左氏作展與

冬十有一月己酉楚子卷卒

卷左氏作麋

四年

春大雨雹

穀梁或作雪

秋遂滅厲

厲左氏作賴

五年

秋叔弓帥師敗莒師于濇泉

濇左氏作蚡穀梁作賁

七

年叔孫婍如齊莅盟

婍公羊皆作舍

九年夏四月陳



災災公穀皆作火誤也

十年夏齊欒施來奔齊公羊作晉

秋季孫意如叔弓仲孫矍帥師伐莒意如公羊皆作隱如

十有二月甲子宋公成卒公羊作戊十一年春

王二月叔弓如宋二月公羊作正月夏四月丁巳楚

子虔誘蔡侯般殺之于申虔穀梁作乾仲孫矍會

邾子盟于祫祥祫祥公羊作侵羊秋季孫意如會晉

韓起齊國弱宋華亥衛北宮佗鄭罕虎曹人杞

人于厥憇厥憇公羊作屈銀冬十月丁酉楚師滅蔡

執蔡世子有以歸用之有穀梁作友十二年春齊

高偃帥師納北燕伯于陽北燕伯左氏作北燕伯欵夏楚



殺其大夫成熊熊穀梁作虎

十三年秋八月

甲戌同盟于平丘甲戌穀梁作庚戌

十五年春王正

月吳子夷末卒末公羊作昧

夏蔡朝吳出奔鄭公羊

朝作昭又無出字十六年春楚子誘戎蠻子殺之蠻公

羊作曼秋八月己亥晉侯夷卒亥公羊作丑冬十

月葬晉昭公十月公羊作十一月二十年夏曹公孫會

自鄭出奔宋鄭穀梁作夢秋盜殺衛侯之兄縶縶公

穀作輒按衛侯之孫名輒故宜為縶冬十月宋華亥向寧華定

出奔陳寧公羊作甯二十一年秋叔輒卒輒公羊作痊

冬蔡侯朱出奔楚朱穀梁作東二十二年春大



蒐于昌閒

閒公羊作姦

二十三年秋胡子髡沈子

盈滅

盈左氏作逞公羊作楹

冬公如晉至河有疾乃復

公穀河字下更有公字

二十四年秋杞伯郁釐卒

郁公羊作

鬱

二十五年夏叔倪會晉趙鞅宋樂大心衛

北宮喜鄭游吉曹人邾人滕人薛人小邾人于

黃父

倪左氏作詣大心公羊作世心

有鸛鶴來巢

鸛公羊作鸛

秋九月乙亥公孫于齊

乙亥左氏公羊作巳亥

次于陽

州

陽公羊作楊

二十六年夏公圍成

成公羊作郟

三

十年冬十有二月吳滅徐徐子章羽奔楚

羽公羊作

禹

三十一年春季孫意如會晉荀櫟于適歷



樂左氏  
作躒

三十一年冬仲孫何忌會晉韓不信

齊高張宋仲幾衛世叔申鄭國參曹人莒人薛

人杞人小邾人城成周

世叔穀梁作大叔

定元年冬十月隕霜殺叔

叔公羊作菽

四年夏四月

庚辰蔡公孫姓帥師滅沈

姓公羊作歸姓

五月公及

諸侯盟于臯馳

臯馳公羊作浩由

冬十有一月庚午

蔡侯以吳子及楚人戰于柏舉楚師敗績

柏舉公羊

作伯

庚辰吳入楚

左氏作郢誤也

五年春王三月辛

亥朔日有食之

三公羊作正

七年秋齊侯衛侯盟

于沙

沙公羊作沙澤

八年秋晉士鞅帥師侵鄭遂侵



衛公羊作趙鞅

九年夏四月戊申鄭伯蠆卒

蠆公羊作

嚙

十年夏公會齊侯于頰谷

頰左氏作夾

秋叔

孫州仇仲孫何忌帥師圍郕

郕公羊作費謨也

宋公

子地出奔陳

公于地公羊皆作公子池

冬齊侯衛侯鄭游

速會于安甫

安甫公羊作葦父

十二年冬十月癸亥

公會齊侯盟于黃

齊公羊作晉

十三年春齊侯衛

侯次于垂葭

葭公羊作環穀梁無衛侯

冬晉荀寅士吉射

入于朝歌以叛

公羊荀寅下有及字

十四年春衛趙

陽出奔宋

衛公羊作晉

二月辛巳楚公子結陳公

孫佗人帥師滅頓以頓子牂歸

公孫公羊作公子牂作牂



五月於越敗吳于檣李檣公羊作醉

公會齊侯衛

侯于牽公羊作堅

十五年夏齊侯次于渠蔭渠左氏作

蘧

秋七月壬申妣氏卒妣穀梁作七

秋葬我君

定公雨不克葬戊午日下昃乃克葬昃穀梁作稷

秋葬定妣穀梁作七

哀元年夏四月辛巳郊饜鼠食郊牛穀梁牛下有角字

二年秋八月甲戌晉趙鞅帥師及鄭罕達戰于

鐵鄭師敗績鐵公羊或作栗或作秩

三年夏季孫斯叔

孫州仇帥師城啟陽啟公羊作開

四年六月辛丑

亳社災亳公羊作蒲

五年春城毗毗公羊作比

六年



春城邾瑕瑕公羊作葭

秋齊陳乞殺其君荼荼公羊作

舍誤也

八年夏齊人取讎及闞闞公羊作儻

十年

夏薛伯夷卒夷公羊作寅

十二年秋公會衛侯宋

皇瑗于鄆鄆公羊作運

十三年夏許男成卒成公羊作

戊

晉魏曼多帥師侵衛公羊無曼字脫也

冬盜殺

陳夏區夫區公羊作彊

以前凡二百四十處案今以上文計之凡二百三十七處

闕三處

趙子曰凡三傳經文不同考校義理必知其誤者則從理正而定之若俱無別義則從多書之內有事迹



如三傳竝不同

桓十五年盟于蒿之類

亦考其有理者為定如

悉無別義從左氏為定為左氏多說事迹恐或在公

穀前也今按所有義可推者竝見於本經註云

**續添**

三傳經文差繆補闕

隱九年春三月庚辰挾卒

挾公羊穀梁作俠

桓十四年冬宋人以齊人衛人蔡人陳人伐鄭

左氏

穀梁衛人在蔡人之下

莊八年夏師及齊師圍郕

郕公羊作成

十五年秋宋

人齊人邾人伐郕

郕公羊作兒

二十二年春王正

月肆大眚

眚公羊作省

二十六年春公伐戎

公羊無春



字

三十年夏次于成

公羊穀梁作師次于成

三十二

年冬十月己未

公羊穀梁作乙未

僖三年冬公子友如齊蒞盟

穀梁作公子季友

八年春

王正月公會王人齊侯宋公衛侯許男曹伯陳

世子款盟于洮

公羊於陳世子款下有鄭世子華

九年三月

丁丑宋公御說卒

御公羊穀梁作禦

十八年春王正

月宋公曹伯衛人邾人伐齊

公羊宋公會字下有會字

二十

三年夏五月庚寅宋公茲父卒

茲公羊作慈

文元年冬十月楚世子商臣弑其君頽

頽公穀作髡

三年冬陽處父帥師伐楚以救江

公穀無以字

六



年冬晉狐射姑出奔狄穀梁作夜姑 七年夏晉先

蔑奔秦蔑公羊作昧 十年冬楚子蔡侯次于厥貉

公羊作屈貉 十一年春楚子伐麋麋公羊作圈 十二

年春王正月邾伯來奔邾公羊作盛 秋秦伯使術

來聘公羊云使遂 冬城諸及鄆鄆公羊作運 十三年

秋七月大室屋壞公羊作世室 冬十二月公還自

晉公穀無公字 十六年夏六月戊辰公子遂及齊

侯盟于鄆鄆公羊作犀穀梁作師 十七年夏四月癸

亥葬我小君聲姜聲公羊作聖

宣十一年冬納公孫寧儀行父于陳寧公羊作甯



成八年秋七月天子使召伯來賜公命

賜公羊作錫

十一年春晉侯使郤犇來聘己丑及郤犇盟

犇公

州羊作

襄元年夏晉韓厥帥師伐鄭

厥公羊作屈

九年春宋

災災公羊作火

十九年秋七月辛卯齊侯環卒

環公

羊作

二十年秋陳侯之弟黃出奔楚

黃公羊穀梁作

光

二十二年冬公會晉侯齊侯宋公衛侯鄭

伯曹伯莒子邾子薛伯杞伯小邾子于沙隨

公穀

於薛伯上有滕子

三十年夏五月天王殺其弟佞夫

佞公羊作年



昭三年春王正月丁未滕子原卒

原公羊作泉

十二

年冬十月公子懋出奔齊

懋公羊作整

二十年冬

宋華亥向寧華定出奔陳

寧公羊作甯後皆同

二十一

年夏宋華亥向寧華定自陳入于宋南里以叛

叛公羊作畔

二十三年秋吳敗頓胡沈蔡陳許之

師于鷄父

父穀梁作甫

三十一年冬黑肱以濫來

奔

肱公羊作弓

定三年冬仲孫何忌及邾子盟于拔

拔公羊作枝

十

年夏齊人來歸鄆謹龜陰田

鄆公羊作運穀梁有之子

宋

公之弟辰暨仲佗石彊出奔陳

公羊穀梁暨字下有宋字



十五年鄭罕達帥師伐宋

罕公羊作軒

哀五年秋九月癸酉齊侯杵臼卒

杵公羊作處

十一

年夏陳轅頗出奔鄭

轅公羊作袁

右四十六處前例闕今續補

春秋啖趙集傳纂例卷九

後學 庚長 校訂



春秋列國之例

宣四十六年例

平王例

宣王例

宣王例

宣王例



春秋啖趙集傳纂例卷十

魯大夫譜第三十八

公子

子般莊公

子惡文公

子視子惡

公子偃宣公

公子鉏宣公

公衡衡父成

子野襄公

公衍昭公

公爲公叔務人也昭公子

公果昭公

公賁昭公

公子荊哀公

公女

紀伯姬

紀叔姬並惠公女

杞伯姬莊公女

宋蕩伯姬

鄆季姬

子叔姬



邾伯姬

宋伯姬

共姬宣公女

杞叔姬宣公女

叔姬宣公女

臧氏

臧僖伯公子疆字子

臧哀伯臧孫達也

臧文仲臧孫辰哀伯孫

臧宣叔臧孫許文仲子

臧武仲臧孫紇宣叔子

定伯為宣叔子

臧昭伯臧為子

臧會頃伯宣叔孫

臧賓如臧會子

臧宣叔妻鑄女及其姪

臧疇臧宣叔子

臧賈臧宣叔子

臧石賓如之子



眾氏

公子益師眾父

孝公子眾父字也

眾仲

孝公子○案杜云眾仲眾父子

仲孫氏

慶父

桓公子其仲也

公孫敖

穆伯慶父之子也

難

惠叔敖之子

穀

文伯亦敖之子

孟獻子

穀之子仲孫蔑即孟孫也

孟孺子速

獻子之子莊子

孺子秩

莊子之子

仲孫羯

秩之弟也

孟僖子

仲孫纘即孟僖子也

南宮敬叔

說纘之子

何忌懿子

說之弟也

孺子泄

懿子之子武伯

戴己

聲己



己氏以上公孫敖妻

泉丘人

其僚以上皆孟僖子妻

子服氏

懿伯子服仲孫也仲孫蔑子

孟椒子服惠伯子服椒

子服昭伯惠伯子子服回

子服景伯子服何

叔孫氏

公子牙慶父同母弟即僖叔也

公孫茲牙之子叔孫戴伯也

叔孫得臣牙之孫莊叔也

叔孫僑如得臣之子叔孫宣伯

叔孫豹僑如之弟穆叔也亦云穆子

叔孫昭子豹之庶子媼也

叔孫成子昭子之子叔孫不敗

叔孫武叔成子之子叔孫州仇



叔孫舒 武叔之子

國姜 叔孫豹妻生孟丙及仲壬

庚宗婦人 叔孫豹外妻生豎牛

孟丙 叔孫豹子

仲壬 丙之弟

豎牛 叔孫豹子

叔仲氏

叔仲惠伯 叔牙孫叔仲彭生也

叔仲昭伯 惠伯孫叔仲帶即叔仲父

叔仲穆子 帶之子叔仲小也即叔仲子也

叔仲志 定伯帶之孫也

季孫氏

公子友 季友成季季子公季友桓公子

季孫行父 季文子公季友之孫

季孫宿 行父之子武子也

悼子 紇宿之子

平子 意如悼子

桓子 斯平子之子



康子肥桓子

惠伯鞅○杜氏釋例無  
惠伯有公甫在公

之前注云季  
孫紇之子

公之季孫紇

季魴侯意如

季寤子言意

小邾夫人生宋元夫人  
季孫宿女

平子妻宋元夫人  
曹氏女

秦敞之妻秦姬季  
孫宿女

陰忌老季孫  
宿女

季公亥季孫宿子  
公若也

季公鳥季孫  
宿子

季姒公鳥之妻齊  
鮑文子之女

南孺子南氏季桓  
子妻生男

季姬季孫  
斯女

公鉏氏

公彌季孫宿子  
公鉏也

公鉏極彌之  
曾孫



公甫氏

公甫靖

穆伯季孫紘子

公甫文伯

桓子從父昆弟公子歆

案公子歆杜氏作公父歆是也

東門氏

公子遂

東門襄仲仲遂東門遂莊公子

公孫歸父

子家歸父

仲嬰齊

襄仲子

叔氏

叔肸

惠伯文公子

公孫嬰齊

肸之子子叔聲伯亦曰子

齊叔嬰

叔老齊子

嬰齊之子

叔弓

老之子子也

叔輒

子叔伯張弓之子



叔鞅穆伯弓之子

叔詣叔輒之子○案杜譜及昭二十九年

集解云

叔還成子叔弓曾孫○案杜集解云

叔詣曾孫世本云叔弓生定伯閱閱生敬叔敬叔生還杜譜亦云成子叔弓曾孫知集解誤也

叔青儁仲

聲伯之母叔胙之妻

榮成伯榮駕驚叔胙曾孫

榮氏

展氏

司空無駭公子展之孫

夷伯展氏伯父○釋例作桓父案杜注震

夷伯之廟云夷伯展氏之祖父通志氏族略公子展之子曰公孫夷伯孫曰展無駭據此夷伯當為展氏

祖父作桓作伯皆字誤耳

展禽食邑柳下諡曰惠



展喜

郈氏

郈成叔

厚孫也孝公八世孫

郈昭伯

郈孫

施氏

施孝叔

惠公五世孫

施氏婦

孝叔妻齊管于奚女

子家氏

子家文伯

歸父子家莊公會孫

子家懿伯

子家子子家羈

南氏

南遺

南蒯

遺之子

孔氏



鄒人紇叔梁紇孔父嘉元孫

孔丘仲尼孔子尼父

秦氏

秦堇父

秦不茲堇父之子

苦氏

苦夷即苦越

陽州越之子

雜人

費伯序父

公子豫

翬羽父公子翬

挾未賜族

申繻

公子達案杜譜無此臧哀伯

也已見前不當更列雜人中

柔未賜族

溺疾其專命故去氏也

秦子

梁子

曹劌



公子偃

公右歆孫生

公子結

御孫

圉人犂

鍼巫氏

季鍼

公傅

卜齋

公子魚

奚斯

巫尪

公子買

子叢

夏父弗忌

侯叔夏

綿房甥

公冶

富父終甥

公冉務人

太史克

禽鄭

管子奚之子

匡句須

鮑國

本齊臣

師己

匠慶

狄虎彌

臧堅

秦周

御叔

申豐

閔子馬

閔馬父

豐點



孟公綽

梓慎

展莊叔

展瑕

展玉父

顏莊叔

公巫召伯仲

鄆鼓父

黨叔

曾天

梁其蹻

曾阜

萊書

杜泄

謝息

公子愁

子仲

冶區夫

司鐸射

慮癸

司徒老祈

申須

琴張

公思展

申夜姑

雍人檀

秦遄

寺人僚祖

饒戾

左師展

郈魴假



女賈

公孫朝

泄聲子野泄

冉豎

林雍

顏鳴

仲梁懷

公山不狃子泄

公何藐

顏高

公斂處父公斂陽

顏息

叔孫輒

子張○案此與下孟之側皆公族不應入雜人輒州仇子也杜譜已誤陸氏未及考正

茲無還

林楚

公若藐公若

公南

侯犯

駟赤

仲由季路

申句須

子貢衛賜

樂頎

富父槐

正常

共劉

公賓庚

公甲叔子



析朱鉏

微虎

顏羽子羽

有若有子

冉求冉子

邴泄

筦周父

樊遲須

孟之側

林不狃

嬖童汪錡

弦多本齊臣  
施父也

太史固

釁夏

公孫有山公孫有  
涇氏

高柴季羔本  
衛臣

鉏商

公孫宿公孫  
成也

郭重

陽虎

陽越陽虎  
從弟

冉會

冉猛冉會  
弟

澹臺子羽

卜楚丘之父

施父

公期案公期孟氏  
支子亦當在

前此亦承  
杜譜之誤



國名譜第三十九

周姬姓黃帝之苗裔后稷之後也后稷封於邠及夏之衰后稷之子不窋失其官竄於西戎至大王爲狄所逼去邠居岐文王受命武王克殷而王有天下至幽王爲犬戎所殺平王遷都王城今河南縣是也平王四十九年魯隱公之元年也敬王又遷成周今洛陽是也敬王三十九年獲麟之歲也四十二年而敬王崩

平王

桓王

莊王

僖王

惠王

襄王

頃王

匡王

定王

簡王



靈王

景王

敬王

悼王

諸侯有譜系者二十三國

魯國姬姓侯爵文王子周公旦之後也周公股肱周  
室成王封其子伯禽於曲阜爲魯侯今魯國是也隱  
公是惠公之子伯禽七世孫也哀公以下九世二百  
一十七年而楚滅之

晉姬姓侯爵武王子唐叔虞之後也成王滅唐而封  
之今太原晉陽是也燮父改唐爲晉燮父孫成侯徙  
都曲沃今河東聞喜縣是也穆侯徙都絳鄂侯二年  
魯隱公之元年也定公三十一年獲麟之歲也自定



公以下六世而韓趙魏滅之

衛姬姓侯爵文王子康叔封之後也周公既誅祿父殺管蔡以其地封康叔爲衛侯居殷墟今朝歌縣是也狄滅衛文公居楚丘成公徙居帝丘今東郡濮陽是也桓公十三年魯隱公之元年也公輒十二年獲麟之歲也自公輒已下十一世二百五十八年而秦滅之

鄭姬姓伯爵周厲王子宣王母弟桓公友之後也宣王封友於鄭今京兆鄭縣是也及幽王無道友徙其人於虢郟滅虢郟之君分其地遂國焉今河南新鄭



春秋列傳卷之九  
九  
縣是也莊公二十二年魯隱公之元年也聲公二十  
年獲麟之歲也聲公三十七年卒自聲公已下五世  
九十一年而韓滅之

蔡姬姓文王子叔度之後武王封之於汝南上蔡爲  
蔡侯作亂見誅子蔡仲成王復封之於蔡至平侯卒  
徙封新蔡昭侯徙九江下蔡宣侯二十八年魯隱公  
之元年也昭侯子成侯十年獲麟之歲也自成侯以  
下三世而楚滅之

滕姬姓侯爵文王子叔繡之後也武王封之居滕今  
沛郡公丘縣是也自叔繡至宣公十七世乃見春秋



隱公以下後春秋七世而齊滅之

曹姬姓伯爵文王子叔振鐸之後也武王封之於陶  
丘今濟陰定陶縣是也桓公二十五年魯隱公之元  
年也伯陽立十五年魯哀公之八年而宋滅之

北燕姬姓伯爵召公奭之後也周武王封之於燕居  
漁陽薊縣其國僻小不通諸夏自召公至簡公款二  
十九世始見春秋簡公子獻公十二年獲麟之歲也  
獻公以下七世始大稱王十三世二百四十年而秦  
滅之

吳姬姓子爵周大王之子泰伯仲雍之後也武王克



殷而封其曾孫周章於吳爲子至壽夢而稱王壽夢  
元年魯成公之六年也夫差十五年獲麟之歲也二  
十三年而越滅之

虞姬姓公爵武王克商封虞仲之庶孫以爲虞仲之

後處中國爲西虞案杜譜作西吳是也後世謂之虞公在河東

太陽縣也僖公五年晉滅之

隨姬姓侯爵不知始封僖二十年經書楚人伐隨自  
是以後遂爲楚之私屬不與諸侯會同至定四年吳  
人入楚昭王奔隨隨人免之卒復楚國楚人德之列  
於諸侯哀元年隨侯見經其後不知爲誰所滅



齊姜姓侯爵大公望之後也其先四岳佐禹有功或封於呂故太公曰呂望也太公股肱周室成王封之於營丘今臨淄是也僖公九年魯隱公之元年簡公四年獲麟之歲也後田氏奪齊太公之後遂滅矣

宋子姓公爵其先契佐唐虞爲司徒封於商成湯受命王有天下及紂爲無道周武王伐紂而封其子武庚以紹殷後武庚作亂更封紂兄帝乙之元子微子啓爲宋公今梁國睢陽縣是也穆公七年魯隱公之元年也景公三十六年獲麟之歲也後六世齊魏楚滅之



陳嬀姓侯爵虞舜之後也當周之興有虞遏父者爲  
周陶正武王賴其利器用以爲先聖之後以元妃之  
女太姬配遏父之子滿封於陳賜姓曰嬀號胡公桓  
公二十三年魯隱公之元年潛公二十二年案杜譜  
潛作緡  
獲麟之歲也二十四年楚滅之

杞妣姓公爵夏禹之後也武王克殷求禹後得東樓  
公而封之於杞今陳留雍丘是也九代及成公遷緣  
陵文公居淳于成公始見春秋潛公六年獲麟之歲  
也後三世而楚滅之

莒嬴姓子爵少昊之後也周武王封茲輿期於莒今



城陽莒縣是也自紀公以下爲己姓不知誰賜之也  
十一世茲丕公始見春秋其公以下微弱不復見四  
世楚滅之

秦嬴姓伯爵隴西山谷之名也於漢則隴西郡秦亭  
秦谷是也堯時有伯益佐禹治水有功帝舜賜其姓  
曰嬴氏其後世之孫曰非子事周孝王使之養馬於  
涇渭之間封之爲附庸邑之於秦谷非子曾孫秦仲  
周宣王又命爲大夫始有車馬禮樂侍御之好秦仲  
之孫襄公平王之初興兵討西戎以救周平王旣東  
遷以岐豐之地賜之始列爲諸侯九世穆公始見春



秋悼公十一年獲麟之歲也悼公子厲其公厲其公三十四年而卒自厲其公以下十三世百八十八年而秦王政立并天下始稱帝至二世而漢滅之

楚芊姓子爵顓頊之後也其後有鬻熊子事周文王早卒成王封其曾孫熊繹於楚以子男之田居丹陽今南郡枝江縣是也熊達始稱武王武王十九年魯隱公之元年也武王居郢今江陵是也昭王徙都惠王八年獲麟之歲也惠王五十七年卒自惠王以下十一世二百九年而秦滅之

越姒姓其先夏后氏少康之庶子也封於會稽自號



於越於越者夷言發聲也濱在南海不與中國通後  
二十餘世至允常魯定公五年始伐吳允常卒子句  
踐立是爲越王越王元年魯定公十四年也魯哀公  
二十二年句踐滅吳霸中國春秋後七世爲楚所破  
遂微弱矣

邾曹姓顓頊之後有陸終氏產六子其第五子曰安  
邾卽安之後也周武王封其苗裔邾挾爲附庸居邾  
今魯鄒縣是也自挾至儀父十二世始見春秋齊桓  
公行霸儀父附從進爵稱子文公徙繹桓公以下春  
秋後八世而楚滅之



許姜姓男爵堯四嶽伯夷之後也周武王封其苗裔  
文叔於許今潁川是也自文叔至莊公十一世始見  
春秋元公子結元年獲麟之歲也二十四世爲楚所  
滅

薛任姓侯爵黃帝之苗裔也奚仲封薛今魯國薛縣  
是也仲虺居薛爲湯左相武王時復封其胄爲薛侯  
齊桓公霸諸侯黜爲伯至獻公始與魯同盟小國無  
紀世不可知亦不知爲誰所滅

小邾曹姓子爵挾之後也夷父顏有功於周其子友  
別封爲附庸居於郕曾孫黎來始見春秋數從齊桓



公以尊周室王命以為小邾子穆公之孫惠公以下  
春秋六世而楚滅之

春秋時國大數總一百二十四國

案下文所列止  
百二十三國

正國一百一十五

附庸國九

姓爵具者四十六國

魯姬姓  
侯爵

晉姬姓  
侯爵

楚芊姓  
子爵

齊姜姓  
侯爵

秦嬴姓  
伯爵

吳姬姓  
子爵

越姒姓  
子爵

宋子姓  
公爵

衛姬姓  
侯爵

鄭姬姓  
伯爵

陳媯姓  
侯爵

蔡姬姓  
侯爵

邾曹姓  
子爵

曹姬姓  
伯爵

許姜姓  
男爵

莒己姓  
子爵

杞姒姓  
公爵

滕姬姓  
侯爵

薛任姓  
侯爵

小邾曹姓  
子爵

息姬姓  
侯爵

隨姬姓  
侯爵

虞姬姓  
侯爵

紀姜姓  
侯爵

北燕姬姓  
伯爵



巴子爵姬姓

鄧侯爵曼姓

郟伯爵姬姓

徐左傳稱徐子嬴姓

伯字疑誤

州姜姓公爵

郟子爵姒姓

芮伯爵姬姓

胡子爵姬姓

南燕伯爵姁姓

祭公爵姬姓

梁伯爵嬴姓

荀侯爵姬姓

賈伯爵姬姓

凡伯爵姬姓

舒子爵偃姓

宿男爵風姓

邴子爵姁姓

原伯爵姬姓

夔子爵芊姓

有無爵者一十八國

滑伯爵姬姓

郟子爵己姓

止案下文所列十七國

黃嬴姓

羅熊姓

邢姬姓

魏姬姓

霍姬姓

郟姬姓

鄭陳姓瞞

向姜姓

偃姬姓陽

韓姬姓

舒偃姓庸

焦姬姓

楊姬姓

夷姁姓

申姜姓

密姬姓

耿姬姓



有爵無姓者一十七國

麋子爵

萊子爵

頓子爵

沈子爵

穀伯爵

譚子爵

舒子爵

宗子爵

邳子爵

白狄子爵

賴子爵

肥子爵

鼓子爵

戎蠻子爵

唐侯爵

潞子爵

弦子爵

姓爵俱無者三十三國

江

郟

權

道

柏

貳

軫

絞

蓼

六

遂

崇

戴

冀

温

厲

項

英氏

介

巢



庸 根牟 無終 邾 妘

蓐 狄 房 鮮虞 陸渾

桐 郟 於餘丘

附庸國九

一國姓爵具 須句 風姓子爵

三國有姓無爵 顓臾 風姓 任 風姓 葛 嬴姓

五國姓爵俱無 蕭 牟 鄆

極 鄆

四夷國共四十三

夷狄蠻戎皆氏羌之別種周衰交侵雜居中國自隱



二年潛之會見於春秋桓莊僖世頗盛為中國患其

後種族遂分

大戎

唐叔子孫別在夷狄者亦見前爵姓門莊二十八

小戎

居瓜州者

驪戎

西戎之別

犬戎

西戎之在中國者

揚拒泉臯伊洛之戎

揚拒泉臯皆戎邑及諸雜戎居伊水洛水之間

陸渾之戎

入居陸渾者

茅戎

戎之別

徐吾氏

茅戎之別

戎子駒支

即姜戎氏

陰戎

陸渾之別

九州之戎

亦陸渾之別在晉陰也

狄戎

戎之屬楚者

戎州

戎邑之在衛者

北戎

山戎也

山戎

北狄也



狄氏羌別種  
在北曰狄

東山臯落氏赤狄別種  
落其族氏

唐咎如赤狄別種

白狄狄別種  
郡有白部胡

鄭瞞長狄國名  
防風氏之後

赤狄唐叔子孫  
之在狄者

潞氏赤狄別種

甲氏

留吁二國皆赤狄別種

鐸辰同上

無終山戎國名

肅慎北狄也

鮮虞白狄別種  
在中山

肥白狄別種  
在鉅鹿

鼓同上

東夷鄭莒徐夷之類

羣舒舒庸舒鳩之類皆東夷國

根牟

夷虎蠻之叛楚者

淮夷魯東夷



三夷

從越之戎

盧戎

南蠻國

山夷

今之溪洞

蠻氏

戎別種

戎蠻

蠻之居中國者

黎

並東戎國

地名譜第四十

陸淳曰

案此篇皆用杜氏釋例之文經師相承述而不作古多有之然不應冠以已名此三字當

為後人妄增

天有列宿之號地有山川之名尚矣與人倫

竝今其文禹貢及山海經載其大略而春秋經國邑之名又詳然書契以來歷代千百餘年其名號處所因緣改變加以四方之語音聲有楚夏文字有異同或一地二名或二地一名或得他國田邑以為己屬



既難綜會又多繆誤疑闕自禹貢之經猶與地里相錯又況傳記雜書而可必處其異同似是而非似非而是者甚眾非精敏兼通不能淹濟其終始以獨見於千載之表也六合之內山川國邑道塗關津春秋多見其事盟會征伐各有所趣周流迂直可得而推日月遠近可得而校凡地名之變易經傳有起發者有經書所改之名則傳以實言之許遷于夷實城父齊侯衛侯次于垂葭實郟氏之比是也經傳未改之名傳發所改爲文而稱經以爲實者許遷于柝實白羽公會齊侯于祝丘實夾谷之比是也皆謂地理舊



名絕於當時而史記有遺文者也若二名當時並存則通兩文互見黑壤犬丘時來之屬是也此皆經傳起事之常猶卿大夫名氏竝見非例也傳曰閨門之外實薰隧薰隧之地在門外非地名也其明年子產殺子析之罪稱薰隧之盟是以丘明就於盟薰隧傳發之學者推求之其庶乎疆場之邑一彼一此所屬無常如陳之焦夷後爲楚邑莒魯之鄆亦無一定故今地名唯以先者爲主其變改私易學者可尋而知世人以河東汾陰爲齊所盟葵丘又謂犇縣魚陵爲楚公子黑肱所次魚陂楚師分涉於彭爲豫章之彭



澤吳人入棘櫟為河南陽翟未學之徒各互所見若此甚多古人之教戒以闕疑苟不廣見亦乃不知所疑也

隱

茂

魯地  
元年

鄆

鄭地

宿

風姓

潛

魯地  
二年

極

附庸國

唐

魯地

密

莒地

石門

齊地  
二年

牟婁

杞地  
四年

清

衛地

濮

陳地名

長葛

鄭地

棠

魯地或曰  
在宋五年

艾

齊地  
六年

中丘

魯地  
七年

楚丘

衛地

垂

衛地  
八年

邴

鄭邑

瓦屋

周地

浮來

紀地

郎

魯地  
九年

防

魯地

營

宋地  
十年

郟

宋地



時來  
魯地十一年

桓

許田  
魯國近許之田也元年

越  
衛地

稷  
宋地二年

郟  
姬姓國

鄧  
蔡地

羸  
齊地三年

蒲  
衛地

邾  
姬姓國

讎  
魯地

祝  
魯地五年

成  
魯地六年

咸  
魯地七年

桃  
衛地十年

惡  
關地十年

折  
關地

夫鍾  
邾地

闕  
魯地

曲池  
魯地十年

穀  
宋地

虛  
宋地

龜  
宋地

武父  
鄭地

櫟  
鄭地十年

袤  
宋地

向  
魯地十年

黃  
齊地十年

趙  
魯地

奚  
魯地

灤  
水名在濟南十八年



莊

邾鄆部紀三年

禚齊地二年

滑鄭地三年

鄆紀邑

穀齊地七年

莒魯地九年

乾時齊地

洙魯地

長勺魯地十年

乘丘魯地

莘號地

鄆魯地十年

北杏齊地十年

柯齊地

鄆衛地十年

邾邾地十年

幽宋地十年

遂小國十年

濟西魯地或曰曹地

十八年

扈鄭地二年

洮魯地二年

城濮衛地

郟魯地二年

諸魯地二年

鄆紀邑三年

魯濟魯地水名

薛魯地三年

秦魯地

小穀齊地三年

梁丘宋地

閔總地名二



落姑齊地 陽閔二

僖

夷儀邢地 榿宋地 偃邾地 酈魯地

楚丘衛地 江小國 下陽魏地 貫宋地

陽穀齊地 涇楚地 召陵楚地 牟小國

弦小國 首止衛地 新城鄭地 甯母魯地

葵丘宋地 鹹衛地 緣陵杞地 沙鹿魯地

牡丘闕十 匡衛地 婁林徐地 韓國名

淮水名 卞魯地 獻齊地 曹南曹南鄙

邢國名 鹿上宋地 孟宋地 薄宋地

春秋左傳卷十



升陘 魯地十二年 泓 關 向 莒地十六年 踐土 鄭地十八年

温 國 河陽 晉地 翟泉 周地十九年 帝丘 衛地十一年

介 小國 穀 晉要地或曰山名三十五年 箕 晉地

文

戚 衛地元年 彭衙 秦地二年 垂隴 鄭地 令狐 晉地七年

須句 邾地 郟 魯地 衡雍 八年 暴 鄭地

女栗 闕十年 厥貉 闕 承匡 宋地十一年 諸 魯地

河曲 晉地十年 鄆 魯地 沓 闕十年 棐 鄭地

新城 宋地十年 鄆丘 齊地六年

宣



裴林 鄭地 元年

平州 齊地

大棘 宋地 二年

黑壤 晉地 七年

平陽 魯地 八年

攢函 狄地

辰陵 陳地 十一年

邲 鄭地 十二年

清丘 衛地

無婁 杞地 十五年

斷道 晉地 十七年

笙 魯地 十八年

成

赤棘 晉地 元年

新築 衛地 二年

鞏 齊地

袁婁 齊地

汶陽 魯地

蜀 魯地

棘 楚地 三年

鄆 魯地 四年

蟲牢 鄭地 五年

馬陵 衛地 七年

州來 楚地

中城 魯地 九年

瑣澤 鄭地 十年

交剛 鄭地

鍾離 楚地 十五年

葉 闕

戚 闕

鄆陵 鄭地 十六年

沙隨 宋地

茗丘 晉地

柯陵 鄭地 十七年

狸脈 魯地

彭城 宋地 十八年

虛打 闕



鹿岡地魯

襄

鄆鄭地元年

虎牢鄭地二年

長檮晉地三年

鷄澤地晉

善道關五年

鄆鄭地七年

費魯地

鄆鄭地

邢上晉地八年

戲鄭地九年

祖楚地十年

蕭魚鄭地十年

亭城北鄭地

台魯地十年

鄆莒地

郛齊地十年

遇魯地十五年

成鄆魯地

劉魯地

溴梁梁地十年

成魯地

桃魯地十年

柯衛地十年

祝柯齊地

西鄆魯地

武城魯地

澶淵衛地二十年

漆闞上邾地二十年

年一

曲沃晉地二十三年

雍榆晉地

重丘齊地二十五年



昭

潞邾地  
元年

太原地  
晉地

郟田地  
魯地

蚡泉  
魯地  
五年

紅魯地  
八年

比蒲魯地  
魯地  
十一年

禮祥  
闕

厥憇  
闕

申姜姓  
國

乾谿楚地  
楚地  
十三年

平丘衛地

長岸楚地  
楚地  
十七年

白羽楚地  
楚地  
十八年

鄆曹地  
曹地  
二十年

昌閒魯地  
魯地  
二十二年

皇邑周

郊周地  
周地  
二十三年

鷄父楚地

狄泉周地

黃父  
二十五年

陽州齊地

野井齊地

曲棘宋地

鄆陵  
闕  
二十六年

乾侯晉地  
晉地  
二十九年

適歷晉地  
晉地  
三十一年

成周周地  
周地  
三十二年

定

拔闕  
三年

臯馳鄭地  
鄭地  
四年

栢舉楚地

沙衛地  
七年



五八年衛地

曲濮地衛

五氏九年晉地

夾谷十年齊地

鄆魯謹龜陰地

郕魯地

費魯地

安甫闕

蕭附庸國十一年

垂葭衛地十三年

晉陽晉邑

蚩淵固魯地

朝歌晉地

檇李越地十四年

牽衛地

莒父魯地

霄魯地

渠蔭闕十五年

漆魯地

哀

潁東邾二年地

沂西邾地

句繹小邾地

鐵衛地

州來楚地

啟陽晉三年地

西郭魯四年地

毗魯五年地

邾瑕魯六年地

闡魯八年地

雍丘宋九年地

艾陵齊十年地

橐臯楚十年地

郟衛地

岳宋十三年地

黃池鄭地



啖子曰天下有道諸侯各守疆域非有王事未嘗敢  
自出其竟春秋時諸侯恣矣朝聘盟會侵伐圍襲遷  
追奔逃如入出居之類未嘗休息也甚者踰一二年  
越數千里而不知有社稷人民之守夫子惡之故因  
其所適而紀其地以示去國之遠邇行事之當否且

言志其實也

不書某地則  
事若不實

然地名雖存而不係所屬

國分

如河陽屬晉而不  
言晉河陽之類

歷年滋多學者不知處所故

今總會其名各從所屬使學者易曉其左氏傳有非  
當時地名經所不載者此不論焉其有一地再見者  
則於前年題之後不再敘其未論者則闕焉以俟來



(B)  
090.8  
3382  
[v.15]  
no.3  
0356856

者

春秋啖趙集傳纂例卷十

後學 庚長 校訂



**(B)**  
**090.8**  
**3382**  
**[v.15]**  
**no.3**